



REPUBLIKA E SHQIPËRISË
KOMISIONI I PROKURIMIT PUBLIK

Nr. 1420/ 10 prot.

Datë 01/08/2024

V E N D I M

Nr. 996/2024

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Kreshnik Ternova	Anëtar

Në mbledhjen e datës 01/08/2024, shqyrtoi ankesën me:

- Objekt:** Shfuqizim i vendimit të Komisionit të Vlerësimit të Ofertave lidhur me kualifikimin e ofertës së operatorit ekonomik “GERTI-1987” SHPK në procedurën e prokurimit “*Procedurë e hapur e thjeshtuar*”, me Nr. REF-01903-04-18-2024, me objekt: “*Blerje ushqime për kopshte dhe çerdhe*” dhe shkollën “*Hamit Mullis*”, me fond limit 7.350.000 lekë pa TVSH, zhvilluar më datë 09.05.2024.2024, nga autoriteti kontraktor, Bashkia Kukës.
- Ankimues:** Operatori ekonomik “KADRA” SHPK me NIPT: K31321008J dhe me adresë: *Rruga “Nënë Tereza”, Laknas, Tiranë.*
- Autoriteti Kontraktor:** Bashkia Kukës
Adresa: Sheshi “Skenderbej“, Lagjia Nr.5, Kukës.
- Subjekte të Interesuara:** Operatori ekonomik “GERTI-1987” SHPK me NIPT: L27606201D dhe me adresë: *Fshati Çarshove, Objekt me nr. pasurie 47/435, Zona Kadastrale 1356, Permet, Gjirokastrër.*
- Baza Ligjore:** Ligji nr. 162/2020 “*Për Prokurimin Publik*”, i ndryshuar Vendimi i Këshillit të Ministrave nr. 285, datë 19.05.2021, “*Për miratimin e rregullave të prokurimit publik*” i ndryshuar Vendimi i Komisionit të Prokurimit Publik Nr. 766, datë 13.10.2021 “*Për miratimin e rregullave për organizimin dhe funksionimin e Komisionit të Prokurimit Publik*”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “*Rregullore për Marrjen e Masave Organizative për*

Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi dëgjoi relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

V ë r e n:

I

Vlerësimi paraprak

I.1. Vlera limit e përlogaritur për procedurën e prokurimit objekt-ankimi është nën kufirin e ulët monetar, ndaj shqyrtimi dhe vendimmarrja do të bëhet nga tre anëtarë, në përputhje me pikën 1, të nenit 30 të ligjit nr. 162/2020 “*Për prokurimin publik*” dhe Rregullat e Prokurimit Publik.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 “*Për prokurimin publik*”.

I.4. Operatori ekonomik ankimues ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 19.04.2024 në Sistemin e Prokurimeve Elektronike është publikuar procedura e prokurimit “*Procedurë e hapur e thjeshtuar*”, me Nr. REF-01903-04-18-2024, me objekt: “*Blerje ushqime për kopshte dhe çerdhe*” dhe shkollën “*Hamit Mullis*”, me fond limit 7.350.000 lekë pa TVSH, zhvilluar më datë 09.05.2024.2024, nga autoriteti kontraktor, Bashkia Kukës.

II.2. Në datë 09.05.2024 autoriteti kontraktor zhvilloi procedurën e prokurimit objekt-ankimi.

II.3. Në datën 21.05.2024 operatorët ekonomikë pjesëmarrës në procedurën e prokurimit janë njoftuar elektronikisht mbi klasifikimin përfundimtar të ofertave si vijon:

1. “ <i>Gerti-1987</i> ” SHPK	6.597.368 leke	kualifikuar
2. “ <i>KADRA</i> ” SHPK	6.604.882 leke	kualifikuar
3. “ <i>Vëllezërit Kastrati</i> ” SHPK	6.715.240 leke	skualifikuar
4. “ <i>Nelsa</i> ” SHPK	6.776.388 leke	kualifikuar

II.4. Nga verifikimet në sistemin e prokurimeve elektronik konstatohet, se në datën 29.05.2024 autoriteti kontraktor ka publikuar njoftimin e fituesit paraprak për procedurën e mësipërme të prokurimit, duke shpallur fitues shoqërinë "Gerti-1987" SHPK.

II.5. Në datën 04.06.2024, nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me numër ankimi elektronik A/2024/4153, datë 04.06.2024, dhe me nr. 1420/2024 prot, datë 04.06.2024, e operatorit ekonomik "KADRA" SHPK, me anë të së cilës kundërshtohet vendimmarrja e Komisionit të Vlerësimit të Ofertave lidhur me kualifikimin e ofertës së operatorit ekonomik "Gerti-1987" SHPK, në procedurën e prokurimit të sipërcituar.

II.6. Në përputhje me nenin 112 "Veprimet paraprake" të Ligjit nr.162/2020 "Për Prokurimin Publik", me marrjen e ankesës, Komisioni i Prokurimit Publik e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. Prot., 1420/2, datë 04.06.2024, lidhur me pretendimet e operatorit ekonomik ankimues "KADRA" SHPK, mbi kualifikimin e ofertës së paraqitur prej operatorit ekonomik "Gerti-1987" SHPK në procedurën e mësipërme të prokurimit.

II.7. Me shkresën nr. 3056 prot, datë 21.06.2024, protokolluar me tonën me nr. 1420/3 prot datë 24.06.2024, është depozituar nga autoriteti kontraktor në Komisionin e Prokurimit Publik, informacioni lidhur me procedurën e mësipërme të prokurimit, si dhe vendimi për trajtimin e ankesës së operatorit ekonomik ankimues "KADRA" SHPK, në të cilin konstatohet, se Komisioni i Shqyrtimit të Ankesës nuk i ka pranuar pretendimet e ngritura nga ankimuesi në ankesë.

II.8. Me shkresën nr. 1420/4 prot., datë 02.07.2024 me objekt "Mbi detyrimin e autoritetit kontraktor për dhënie informacioni KPP-së lidhur me ankesën e operatorit ekonomik "KADRA" SHPK", Komisioni i Prokurimit Publik me qëllim gjykimin e ankesës së paraqitur ka kërkuar nga autoriteti kontraktor dokumentacionin e paraqitur nga operatori ekonomik "GERTI-1987" SHPK pranë autoritetit kontraktor për përmbushjen e kritereve të përgjithshme të kualifikimit si në vijim: "a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv dhe e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.", sikurse parashikohet në pikën 6 të nenit 26 "Formulari përmbledhës i vetëdeklarimit", të Vendimit të Këshillit të Ministrave nr. 285, datë 19.05.2021 "Për miratimin e rregullave të prokurimit publik" i ndryshuar.

II.9. Me shkresën nr. 3236/1 prot, datë 04.07.2024, protokolluar me tonën me nr. 1420/5 prot, datë 08.07.2024, është depozituar nga autoriteti kontraktor në Komisionin e Prokurimit Publik, dokumentacionin fizik i dorëzuar nga ana e ofertuesit "GERTI-1987" SHPK për

përmbushjen e deklarimeve të bëra në Shtojcën 8 “*FORMULARI PËRMBLEDHËS I VETËDEKLARIMIT*” të dokumentave të tenderit, sipas përcaktimit të nenit 26 “*Formulari përmbledhës i vetëdeklarimit*” pika 6 të Vendimi i Këshillit të Ministrave nr. 285, datë 19.05.2021, “*Për miratimin e rregullave të prokurimit publik*” i ndryshuar, lidhur me përmbushjen e kriterëve të përgjithshme të kualifikimit si në vijim: “*a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv dhe e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.*”.

II.10. Me shkresën nr. 1420/6 prot., datë 16.07.2024 me objekt “*Kërkesë për informacion*”, Komisioni i Prokurimit Publik me qëllim gjykimin e ankesës së paraqitur ka kërkuar nga Furnizuesi i Shërbimit Universal Sh.A (FSHU) informacionin si më poshtë:

1. *Kontratat e energjisë elektrike së bashku me adresat në të cilat është titullar ose përdorues subjekti tregtar "Gerti-1987", të cilat janë aktive në datën 09.05.2024.*
2. *A rezulton të jetë subjekti tregtar "Gerti-1987" SHPK titullar apo përdorues i një apo më shumë kontratave të energjisë elektrike në adresat e Ekstraktit të Rregjistrit Tregtar Historik bashkalidhur?*
3. *Nëse është përdorues në adresat e mësipërme (në ekstraktin e rregjistrit tregtar historik), a ka patur detyrimin që subjekti tregtar "Gerti-1987" SHPK ta deklarojë këtë fakt pranë furnizuesit me energji elektrike “Furnizuesit të Shërbimit Universal FSHU” ?*

II.11. Me shkresën nr. 4861/1 prot, datë 24.07.2024, protokolluar me tonën me nr. 1420/7 prot, datë 26.07.2024, është depozituar nga Furnizuesi i Shërbimit Universal Sh.A (FSHU) në Komisionin e Prokurimit Publik, informacionin si më poshtë:

“Në përgjigje të shkresës suaj Nr. 1420/6 Prot., datë 16.07.2024, protokolluar me tonën Nr. 4861 Prot. datë 18.07.2024, ku keni kërkuar informacioni mbi kontratat e energjisë elektrike të operatorit ekonomik "Gerti-1987" shpk, ju informojmë si më poshtë vijon:

Dokumenti zyrtar që verteton kontratat dhe detyrimet që operatorët ekonomik të cilët marrin pjesë në procedurat e prokurimit publik kanë ndaj FSHU Sh.a. është Vërtetimi i Debitit. Në këtë dokument listohen të gjitha kontratat që janë në emër apo përdorim nga operatori ekonomik bazuar në deklarin e bërë prej tij dhe verifikimi në sistemin tonë të faturimit.

Sipas të dhënave të sistemit tonë të faturimit subjekti "Gerti-1987" shpk është përdorues i kontratave aktive me adresat si më poshtë, të cilat i ka deklaruar edhe në kërkesën e bërë për vërtetim debie.

NR	Nr Kontratës	Adresa
1	AL.....	xxxxx
2	ELOA.....	xxxxx
3	GJIG.....	xxxxx

4	GJIG.....	xxxxx
---	-----------	-------

II.12. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e Autoritetit Kontraktor, u konstatua se nuk janë paraqitur argumenta nga ana e operatorit ekonomik “Gerti-1987” SHPK lidhur me pretendimet e operatorit ekonomik ankimes “KADRA” SHPK, në përputhje me nenin 113 të ligjit Nr.162/2020 “Për Prokurimin Publik”, i ndryshuar.

III

Komisioni i Prokurimit Publik

pas shqyrtimit të ankesës, dokumentacionit bashkëngjitur saj, si dhe informacionit të autoritetit kontraktor,

Arsyeton

III.1. Lidhur me pretendimet e operatorit ekonomik “KADRA” SHPK mbi kundërshtimin e kualifikimit të ofertës së shoqërisë “GERTI-1987” SHPK në procedurën e prokurimit objekt-shqyrtimi si në vijim: “... Nisur nga ky parashikim ligjor kemi bindjen e plotë që operatorit ekonomik “Gerti-1987” shpk nuk e ka plotësuar këtë kriter të parashikuar me dorëzimin e dokumentacionit provues, pasi nuk ka dorëzuar vërtetimet e debisë të lëshuara nga FSHU për të gjitha vendet e ushtrimit të aktivitetit. ...

Referuar sa cituam më lart kemi bindjen e plotë që në kuadër të dorëzimit të dokumentacionit fizik në përmbushje të parashikimeve ligjore operatorit ekonomik “Gerti-1987” shpk nuk ka përmbushur kriterin detyrues të mësipërm të parashikuar në pikë (gj) pasi nuk ka dorëzuar:

- Ekstraktin historik i regjistrimit të pronarit përfitues
- Ekstraktin e thjeshtë i regjistrimit të pronarit përfitues dhe skualifikimin e tij nga procedura sepse nuk ka përmbushur kriterin detyrues për skualifikim sipas parashikimeve ligjore.”,

Komisioni i Prokurimit Publik vëren se:

III.1.1. Në shtojcën 7 “Formulari i Kritereve të Përzgjedhjes/Kualifikimit” pika 1/a dhe 1/e “KRITERET E PËRGJITHSHME TË PËRZGJEDHJES/ KUALIFIKIMIT” autoriteti kontraktor ka përcaktuar kriteret kualifikuese, si më poshtë vijon:

“1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

e) Operatori Ekonomik ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.”.

III.1.2. Në shtojcën 7 “Formulari i Kritereve të Përzgjedhjes/Kualifikimit” pika 1/a “Kriteret e Veçanta të Kualifikimit” autoriteti kontraktor ka përcaktuar kriterin kualifikues si më poshtë vijon:

“I. KRITERET E VEÇANTA TË KUALIFIKIMIT

Ofertuesi duhet të paraqesë:

a. Formularin Përmbledhës të Vetëdeklarimit, sipas shtojcës 8. ”

III.1.3. Në dokumentat e tenderti të publikuara në Sistemin Elektronik të Prokurimit (SPE) nga ana e autoritetit kontraktor, pjesë përbërëse është edhe Shtojcën nr. 8 “FORMULARI PËRMBLEDHËS I VETËDEKLARIMIT”, si më poshtë vijon:

Shtojca 8

(Shtojcë për tu paraqitur nga operatori ekonomik)
FORMULARI PËRMBLEDHËS I VETËDEKLARIMIT

Unë i nënshkruari _____ në cilësinë e _____ të operatorit ekonomik _____ deklaroj nën përgjegjësinë time të plotë që:

A. Pjesa I: Informacion në lidhje me Operatorin Ekonomik

Identifikimi	Përgjigjja
Emri i operatorit ekonomik: (Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE	-----
Numri NIPT/et:	-----
Adresa postare: Qyteti / qyteti; Kodi postar	-----
Përfaqësuesi (emri):	-----
Telefoni:	-----
E-mail:	-----

B: DEKLARATË

Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)

Në cilësinë e operatorit ekonomik, deklaroj nën përgjegjësinë time të plotë se:			
• Informacione për nënkontraktorin			
Emri i nënkontraktorit	NIPT – i	Përqindja e nënkontraktimit	Mallrat/ shërbimet e lidhura me to për t’u nënkontraktuar

<i>të propozuar</i>				

ormacion mbi subjektet mbi kapacitetin, e të cilëve do të mbështetet operatori ekonomik

<i>Emri (at) e subjekteve</i>	<i>NIPT-i</i>	<i>Lloji i kapacitetit për të cilin do të mbështetet operatori ekonomik</i>	<i>Specifiko konkretisht kapacitetin/et</i>

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

<p>Deklarata</p> <p>Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.</p> <p><i>Sqarime nëse vlerësohet e nevojshme</i> _____</p>
<p>Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.</p> <p><i>Sqarime nëse vlerësohet e nevojshme</i> _____</p>
<p>Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë:</p> <hr/> <p>etj.</p> <p>nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj.</p> <p><i>Sqarime nëse vlerësohet e nevojshme</i> _____</p>
<p>Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale.</p>

<i>Sqarime nëse vlerësohet e nevojshme</i> _____
Operatori ekonomik nuk është në proces falimentimi (statusi aktiv). <i>Sqarime nëse vlerësohet e nevojshme</i> _____
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së. <i>Sqarime nëse vlerësohet e nevojshme</i> _____
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi. Ky informacion kërkohet për operatorët ekonomikë, të cilët operojnë në territorin e Republikës së Shqipërisë. <i>Sqarime nëse vlerësohet e nevojshme</i> _____
Operatori ekonomik ushtron aktivitetin e tij në zbatimin e kërkesave ligjore në fuqi. <i>Sqarime nëse vlerësohet e nevojshme</i> _____
Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së. Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfitur fonde publike, me vendim të Agjencisë së Prokurimit Publik, gjatë kohës që ky vendim është në fuqi. <i>Sqarime nëse vlerësohet e nevojshme</i> _____

B: DEKLARATA

Për Dorëzimin e Ofertave të Pavarura

Ne cilësinë e përfaqësuesit të operatorit ekonomik, në mbështetje të Ligjit Nr. 162, datë 23.12.2020 “Për prokurimin publik”, si dhe në mbështetje të Ligjit Nr.9121/2003 “Për mbrojtjen e konkurrencës”, bëj këtë deklaram dhe garantoj se deklaratat e mëposhtme janë të vërteta dhe të plota në çdo aspekt:

- 1. Unë kam lexuar dhe kuptuar përmbajtjen e kësaj Deklarate;*
- 2. Unë kuptoj që oferta e paraqitur do të s’kualifikohet dhe/ose përjashtohet nga fitimi i kontratave publike, nëse kjo Deklaratë vërtetohet se nuk është e plotë dhe / ose e saktë në çdo aspekt;*
- 3. Unë jam i autorizuar nga Ofertuesi të firmos këtë Deklaratë dhe të paraqes ofertë në interes të Ofertuesit;*
- 4. Çdo person, firma e të cilit shfaqet në dokumentacionin e ofertës, është i autorizuar nga Ofertuesi për të përgatitur dhe për të nënshkruar ofertën në interes të Ofertuesit;*
- 5. Për qëllim të kësaj deklarate dhe ofertës së paraqitur, unë kuptoj që fjala “konkurrentë” nënkupton çdo operator tjetër ekonomik, të ndryshëm nga Ofertuesi, të paraqitur ose jo si bashkim operatorësh ekonomik, që:*

- a) paraqesin një ofertë në përgjigje të Njoftimit të Kontratës dhe/ose të Ftesës për Ofertë, të bërë nga Autoriteti Kontraktor;
- b) është një ofertues i mundshëm, i cili bazuar në kualifikimin, aftësitë ose përvojat e tij, mundet të dorëzojë një ofertë në përgjigje, të Njoftimit të Kontratës dhe/ose të Ftesës për Ofertë.

6. Ofertuesi deklaron se: (kliko një nga alternativat e mëposhtme):

a) Ofertuesi ka përgatitur ofertën e tij në mënyrë të pavarur, pa u konsultuar, pa komunikuar dhe pa bërë marrëveshje apo pa rënë dakord me asnjë konkurrent tjetër;

b) Ofertuesi është konsultuar, ka komunikuar, ka bërë marrëveshje me një ose më shumë konkurrentë në lidhje me këtë procedurë prokurimi. Ofertuesi deklaron se në dokumentet bashkangjitur, në detajet e kësaj oferte, janë përfshirë emrat e konkurrentëve, natyra dhe shkaqet e konsultimit, komunikimit, marrëveshjes apo angazhimit (rasti i bashkimit të operatorëve ekonomikë ose nënkontraktimit).

7. Në veçanti, pa kufizuar paragrafët 6. a) dhe 6. b), të përmendur më lart, nuk ka pasur konsultime, komunikime, kontratë apo marrëveshje me ndonjë konkurrent në lidhje me:

a) çmimet ;

b) metodat, faktorët ose formulat e përdorura për llogaritjen e çmimit;

c) qëllimin apo vendimin për të paraqitur apo jo një ofertë; ose,

d) paraqitjen e një oferte që nuk i plotëson specifikimet e kërkesës për ofertë.

8. Përveç kësaj, nuk ka pasur konsultime, komunikime, marrëveshje apo kontrata me ndonjë konkurrent në lidhje me cilësinë, sasinë, specifikimet apo dërgesa të veçanta të produkteve apo shërbimeve të cilat lidhen me prokurimin në fjalë, përveç se kur janë deklaruar sipas paragrafit të mësipërm 6. b).

9. Kushtet e ofertës nuk u janë bërë të njohura dhe as nuk do t'u bëhen të njohura me qëllim nga Ofertuesi konkurrentëve të tjerë, në çdo mënyrë qoftë, para datës dhe kohës së hapjes zyrtare të ofertave, shpalljes fitues dhe lidhjes së kontratës, vetëm nëse kërkohet me ligj ose nëse deklarohen në mënyrë specifike sipas paragrafit 6.b).

C: DEKLARATA

Mbi Konfliktin e Interesit

Deklarata

Në cilësinë e operatorit ekonomik, ne deklarojmë se jemi të vetëdijshëm për sa vijon:

Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.

Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:

- *Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të*

Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtori i Përgjithshëm, drejtuesit e organeve të administratës publike që nuk janë pjesë e shërbimit civil.

Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.

Kur zyrtari është kryetar bashkie ose nënkryetar i një bashkie ose komune, ose kryetar i një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005).

*Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.***

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimit dhe Kontrollit të Pasurive, si dhe Ligji Nr. 162/2020, datë 23.12.2020 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

D: DEKLARATA

Për zbatimin e dispozitave ligjore në marrëdhëniet e punës

Deklarata

Në cilësinë e operatorit ekonomik, deklaroj nën përgjegjësinë time të plotë se:

- Operatori ekonomik _____garanton mbrojtjen e të drejtës së punësimit dhe profesionit nga çdo formë diskriminimi, të parashikuar nga legjislacioni i punës në fuqi.
- Operatori ekonomik_____lidh me punëmarrësit kontratat përkatëse të punës dhe garanton masat në drejtim të sigurisë dhe shëndetit në punë për të Gjithë dhe, në mënyrë të veçantë, për grupet e rrezikuara, bazuar në legjislacionin e punës në fuqi.
- Operatori ekonomik _____nuk ka masë Ligjore në fuqi, të vendosur nga Inspektorati Shtetëror i Punës dhe Shërbimeve Shoqërore (ISHPSHSH). Në rastet kur janë konstatuar shkelje ligjore, operatori ekonomik ka marrë masat e nejjshme për adresimin e tyre, brenda afateve të përcaktuara nga ISHPSHSH.

Sqarime nëse vlerësohet e nevojshme_____

Pjesa III Kriteret e Përzgjedhjes/Kualifikimit

A: DEKLARATË

Në përputhje me specifikimet teknike dhe grafikun e realizimit të objektit të kontratës:

Deklarata	Përgjigje
Në cilësinë e operatorit ekonomik, ne deklarojmë se plotësojnë të gjitha specifikimet teknike, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti Kontraktor), dhe marrim përsipër të realizojmë objektin në përputhje me Listën e mallrave dhe grafikun e lëvrimin të përcaktuar nga Autoriteti kontraktor.	Po [] Jo []

B: DEKLARATË

Për disponimin e punonjësve dhe makinerive të nevojshme (nëse kërkohen)

Deklarata	Përgjigje
Në cilësinë e operatorit ekonomik, deklaroj nën përgjegjësinë time të plotë se: Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta	<u>Punonjës</u> Po [] Jo [] Nëse, po, numri i punonjësve: Profili i punonjësve _____ <u>Makineri e mjete</u>

<p><i>paraqes në kopje origjinale ose të noterizuar nëse fitoj, ose nëse më kërkohen sqarime nga autoriteti kontraktor.</i></p>	<p>Po [] Jo [] Nëse po, të listohen me të dhënat konkrete:</p>
<p>Emri, Mbiemri _____ Firma _____ Vula _____ Data e dorëzimit të deklaratës _____</p>	

Ju lutemi sigurohuni që:

- *Secili pjesëmarrës i renditur në një bashkim operatorësh ekonomikë të paraqesë një Formular të veçantë të Vetëdeklarimit.*
- *Në rast se, operatori ekonomik ofertues do të mbështetet në kapacitetet e subjekteve të tjera, një Formular i veçantë i Vetëdeklarimit duhet të paraqitet edhe nga subjekti mbështetës.*
- *Çdo vetdeklarim i pavërtetë/pasaktë nga ana e operatorëve ekonomikë jo vetëm që përbën shkak për skualifikimin nga procedura konkrete, por përbën shkak edhe për përjashtimin e tyre nga e drejta për të fituar kontrata publike deri në 3 vjet, sipas parashikimeve të ligjit për prokurimin publik.*
- *Operatorët ekonomikë që ofertojnë në procedurat e prokurimit të vetdeklarojnë në çdo rast informacionin e saktë që i korrespondon gjendjes së tyre faktike.*

Në çdo rast, autoriteti kontraktor ka të drejtë të kryejë verifikimet e nevojshme për vërtetësinë e informacionit të deklaruar nga operatori ekonomik për sa më sipër.

- *Në çdo rast, përpara publikimit të njoftimit të fituesit paraprak dhe nisjes së afateve të ankimit, autoriteti kontraktor duhet t'i kërkojë ofertuesit fitues që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuar me origjinalin.*
- *Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.*

III.1.4. Për përmbushjen e kriterëve kualifikuese të përcaktuara në pikat 1/a dhe 1/e “KRITERET E PËRGJITHSHME TË PËRZGJEDHJES/ KUALIFIKIMIT” të Shtojcën 7 “Formulari i Kriterëve të Përzgjedhjes/Kualifikimit”, operatori ekonomik ofertues “GERTI-1987” SHPK ka dorëzuar në dokumentacionin e ofertës Shtojcën 8 “FORMULARI PËRMBLEDHËS I VETËDEKLARIMIT” ku në seksionin A: “DEKLARATA PËR PËRMBUSHJEN E KRITEREVE TË PËRZGJITHSHME TË KUALIFIKIMIT” ka deklaruar, si më poshtë vijon:

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

Deklarata
Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv. <i>Sqarime nëse vlerësohet e nevojshme</i> _____
Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së. <i>Sqarime nëse vlerësohet e nevojshme</i> _____
Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë: Emer Mbiemer: Elgert Laskaj Nr. ID: I71221020E nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj. <i>Sqarime nëse vlerësohet e nevojshme</i> _____
Operatori ekonomik nuk është dënuar me vendim gjyqësor të formës së prerë për vepra që lidhen me veprimtarinë profesionale. <i>Sqarime nëse vlerësohet e nevojshme</i> _____
Operatori ekonomik nuk është në proces falimentimi (statusi aktiv). <i>Sqarime nëse vlerësohet e nevojshme</i> _____
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së. <i>Sqarime nëse vlerësohet e nevojshme</i> _____
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi. Ky informacion kërkohet për operatorët ekonomikë, të cilët operojnë në territorin e Republikës së Shqipërisë. <i>Sqarime nëse vlerësohet e nevojshme</i> _____
Operatori ekonomik ushtron aktivitetin e tij në zbatimin e kërkesave ligjore në fuqi. <i>Sqarime nëse vlerësohet e nevojshme</i> _____

Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.

Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të përfituar fonde publike, me vendim të Agjencisë së Prokurimit Publik, gjatë kohës që ky vendim është në fuqi.

Sqarime nëse vlerësohet e nevojshme _____

- *EKSTRAKT HISTORIK I REGJISTRIT TREGTAR PËR TË DHËNAT E SUBJEKTIT “SHOQËRI ME PËRGJEGJËSI TË KUFIZUAR”, datë 08.05.2024, lëshuar nga Qendra Kombëtare e Biznesit, nëpërmjet shërbimeve elektronike në platformën E-albania.*

III.1.5. Referuar informacionit të autoritetit kontraktor dërguar më shkresën nr. 3236/1 prot, datë 04.07.2024, protokolluar me tonën me nr. 1420/5 prot, datë 08.07.2024, konstatohet se operatori ekonomik “GERTI-1987” SHPK i kualifikuar i pari sipas parashikimeve të nenit 82 “Formulari përmbledhës i vetëdeklarimit” të ligjit nr. 162/2020 “Për Prokurimin Publik”, i ndryshuar, për përmbushjen e kriterëve kualifikuese të përcaktuara në pikat 1/a dhe 1/e “KRITERET E PËRGJITHSHME TË PËRZGJEDHJES/ KUALIFIKIMIT” të Shtojcën 7 “Formulari i Kriterëve të Përzgjedhjes/Kualifikimit” ka dorëzuar dokumentacionin si më poshtë vijon:

- *Shtojcën 8 “FORMULARI PËRMBLEDHËS I VETËDEKLARIMIT”, li vulosu r dhe firmosu nga administratori i shoqërisë z. Elgert Laskaj.*
- *Vërtetim debie nr. xxx prot, datë 09.05.2024, i lëshuar nga Furnizuesi i Shërbimit Universal, OSHEE GROUP, ku vërtetohet se: “Bazuar në deklaratimet e deklaruesit (përfaqësuesit ligjor) Znj/Z.Elgert Laskaj, vërtetojmë se kërkuesi “GERTI-1987.” SHPK me Nr Nipt L276062201D, nga verifikimet e kryera në Sistemin e Faturimit, për, kontratën/kontratën (me kod) AL....., GJIG....., GJIG....., ELOA....., titullar / përdorues i së cilës/cilave është Gerti - 1987 shpk, rezulton të ketë në total 0 lekë detyrime për faturat e energjisë elektrike, vlerë e llogaritur deri në datën 30.04.2024, pa përfshirë vlerën e faturës koherente të muajit Prill 2024.”*
- *Ekstrakti Historik i Rregjistrit Tregtar për të dhënat e subjektit “Shoqëri me përgjegjësi të kufizuar”, datë 08.05.2024, lëshuar nga Qendra Kombëtare e Biznesit, nëpërmjet shërbimeve elektronike në platformën E-albania,ku rezulton se e ushtron aktivitetin në këto adresa si më poshtë;*

“7. Zyra qendrore e shoqërisë në Shqipëri: “Gjirokaster Permet Fshati Çarshove, Objekt me nr. Pasurie 47/435, Zona Kadastrale 1356”.

14. Vende të tjera të ushtrimit të aktivitetit: “1- Elbasan Bradashesh KARAKULLAK Elbasan, Bradashesh,Karakullak, zk.2083, ndertesa me vertetim aluizni 4889/1; 2-Elbasan Elbasan Elbasan, fshati Bradashesh ZK 1258, nr.Pasurie 201/16/4-ND, kati 1;

3- Tirane Kashar KASHAR Autostrada Tirane - Durres, Km.1, Brenda Tregut Agro - Ushqimor, Vendi 52/8.”.

- Vërtetim nr. T10537311, datë 08.05.2024, të lëshuar nga Drejtoria Rajonale Tatimore Gjyrokastër, ku vërtetohet se: “Vërtetohet se Personi Juridik/Fizik: Z./Znj. Elgert Laskaj
Tatimpaguesi: GERTI - 1987
NIPT-i: L27606201D
Aktiviteti: Tregtia me shumicë jo e specializuar e artikujve ushqimorë, pije dhe duhan
Adresa: Fshati Carshove, Objekt me nr. pasurie 47/435, Zona Kadastrale 1356
është në statusin Aktiv ge në datë 06.02.2012.”.

III.1.6. Nga verifikimet në faqen zyrtare të Qendrës Kombëtare të Biznesit (<https://qkb.gov.al/kerko/kerko-ne-regjistrin-e-pronareve-perfitues-rpp/kerko-per-subjekt-raportues/>) konstatohet se:

Subjekti “GERTI-1987” SHPK më datë 23.06.2021, ka rregjistruar të dhënat e pronarit përfitues, të subjektit raportues të rregjistruar në rregjistrin tregtar, si më postë:

Emër Mbiemër: Elgert Laskaj
Shtetësia: Shqiptar/e
Viti dhe muaji i lindjes: 12-1987
Lloji i kontrollit: Zotërues i kuotave/aksioneve të kapitalit 25% e më tepër.
Data e përcaktimit si pronar përfitues: 18-09-2018
Përqindja e pronësisë: 100%

III.1.7. Në nenin 2 “Qëllimi” të ligjit nr. 162/2020 “Për Prokurimin Publik”, i ndryshuar, përcaktohet se:

“Qëllim i këtij ligji është:

- a) të rrisë eficiencën dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.”.

III.1.8. Në nenin 82, “Formulari përmbledhës i vetëdeklarimit” të ligjit nr. 162/2020 “Për Prokurimin Publik”, i ndryshuar, përcaktohet se:

“1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik.

Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë identifikimi dhe, sipas rastit, në deklaratën e nevojshme për dhënien e pëlqimit.

Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

2. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.

3. Pavarësisht pikës 2 të këtij neni, operatorëve ekonomikë nuk u kërkohet të dorëzojnë dokumente mbështetëse kur autoriteti ose enti kontraktor që ka dhënë kontratën ose ka lidhur marrëveshjen kuadër i ka këto dokumente.

4. Në rastin e operatorëve ekonomikë të huaj, dokumentet duhet të paraqiten në formën e kërkuar nga legjislacioni në fuqi për njohjen e dokumentacionit. Në raste të dokumenteve që nuk lëshohen në vendin e origjinës, ky fakt duhet të provohet prej operatorëve ekonomikë.

5. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor i kërkon ofertuesit të kualifikuar i pari që të dorëzojë:

a) dokumentet e paraqitura si pjesë e ofertës në rrugë elektronike, të cilat në kohën e dorëzimit pranë autoritetit ose entit kontraktor duhet të jenë origjinale ose kopje të noterizuara të tyre;

b) dokumentet mbështetëse në origjinal ose një kopje të noterizuar të tyre për vetëdeklarimet e dhëna.

Në procedurat e prokurimit me faza, dokumentacioni, sipas shkronjave "a" dhe "b" të kësaj pike, u kërkohet të gjithë kandidatëve të kualifikuar në fazën e parë, përpara nisjes së afateve të ankimit.

6. Për operatorët ekonomikë të regjistruar në regjistrat tregtarë shqiptarë, krijimi dhe plotësimi i formularit përmbledhës të vetëdeklarimit kryhet në Sistemin e Prokurimit Elektronik.

7. Pavarësisht parashikimeve të pikës 5 të këtij neni, operatorëve ekonomikë të regjistruar në regjistrat tregtarë shqiptarë nuk u kërkohet të paraqesin dokumente mbështetëse ose prova të tjera dokumentare për atë pjesë të informacionit të deklaruar dhe të gjeneruar automatikisht në Sistemin e Prokurimit Elektronik si pjesë e formularit përmbledhës të vetëdeklarimit nga ndërveprimi me sisteme të tjera elektronike.

8. Operatorët ekonomikë mund të përmbushin kriteret e përgjithshme dhe të veçanta të kualifikimit edhe nëpërmjet dosjes virtuale të operatorit, e krijuar në Sistemin e Prokurimit Elektronik përmes ndërveprimit me sisteme të tjera elektronike për ruajtjen e dokumenteve. Dokumentet e dorëzuara si pjesë e dosjes virtuale të operatorit duhet të jenë të gjeneruara nga sisteme të tjera elektronike ose të noterizuara përmes ndërveprimit me sistemin elektronik të Dhomës Kombëtare të Noterisë.

Operatorët ekonomikë janë përgjegjës për përditësimin e të dhënave në mënyrë automatike, për aq sa është e mundur, në dosjen virtuale të operatorit.

9. Për operatorët ekonomikë vendës, Sistemi i Prokurimit Elektronik verifikon automatikisht përmes ndërveprimit me sisteme të tjera përmbushjen e kushteve detyruese për skualifikim dhe kritereve të veçanta të kualifikimit për aq sa është e zbatueshme.

10. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti ose enti kontraktor për operatorët ekonomikë të huaj i kërkon ofertuesit të kualifikuar i pari që të dorëzojë pranë autoritetit kontraktor në origjinal ose kopje të noterizuar dokumentet e paraqitura në rrugë elektronike, të cilat nuk mund të gjenerohen automatikisht nga sistemet e tjera me anë të ndërveprimit. Dokumentet e noterizuara para noterëve publikë të Republikës së Shqipërisë dorëzohen online në Sistemin e Prokurimit Elektronik përmes ndërveprimit me sistemin elektronik të Dhomës Kombëtare të Noterisë.

Në procedurat e prokurimit me faza, dokumentacioni sipas pikës 5 u kërkohet të gjithë kandidatëve të kualifikuar në fazën e parë, përpara nisjes së afateve të ankimit.

11. Autoriteti ose enti kontraktor do të përdorë sistemin e-Certis për të marrë informacion për llojet dhe format e provave të përmendura në këtë nen dhe për autoritetet kompetente, që i lëshojnë ato në shtetet anëtare të Bashkimit Evropian.”.

III.1.9. Në nenin 76, “Kriteret detyruese për skualifikim” pika 3/gj të ligjit nr. 162/2020 “Për Prokurimin Publik”, i ndryshuar, përcaktohet se:

“3. Çdo operator ekonomik skualifikohet nga pjesëmarrja në procedurën e prokurimit nëse është në një nga situatat e mëposhtme:

gj) operatori ekonomik nuk ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.”.

III.1.10. Në nenin 2 pika1/a, nenin 3 pika 1, nenin 4 pika 1 dhe 2, si dhe në nenin 7 pika 1, të ligjit nr. Nr. 112/2020 “PËR REGJISTRIN E PRONARËVE PËRFITUES”, i ndryshuar, përcaktohet se:

Neni 2

Fusha e zbatimit

(zëvendësuar fjalë në shkronjën “c”, të pikës 2 me aktin normativ nr. 12, datë 25.3.2021)

1. Ky ligj zbatohet për subjektet raportuese, personat juridikë të regjistruar në Republikën e Shqipërisë si më poshtë:

a) shoqëritë më përgjegjësi të kufizuar;

Neni 3

Përkufizime

Në kuptim të këtij ligj termat e mëposhtëm kanë këto kuptime:

1. “Pronar përfitues”, individ i cili ka në pronësi ose kontrollon i fundit subjektin dhe/ose individ në emër të të cilit po kryhet një transaksion ose veprimtari dhe përfshin të paktën:

Neni 4

Administrimi i Regjistrin të Pronarëve Përfitues

(zëvendësuar fjalë në pikën 3.2.1, shtuar paragraf në shkronjën “c”, të pikës 3.2.1 me aktin normativ nr. 12, datë 25.3.2021)

1. Regjistri i Pronarëve Përfitues administrohet nga Qendra Kombëtare e Biznesit.
2. Qendra Kombëtare e Biznesit është përgjegjëse:
 - a) të regjistrojë, të administrojë, të përpunojë dhe të ruajë në regjistër të dhënat e deklaruara nga subjektet raportuese;
 - b) të mundësojë disponueshmërinë e të dhënave të Regjistrit, në përputhje me nenin 7 të këtij ligji;
 - c) të lëshojë ekstrakte për të dhënat e regjistruara në regjistër;
 - ç) të ndërmarrë veprime të tjera në përputhje me këtë ligj.

Neni 7

Akresi i Regjistrit të Pronarëve Përfitues

1. Të dhënat e regjistruara në Regjistrin e Pronarëve Përfitues, të cilat do të jenë lirisht të aksesueshme dhe publike janë:
 - a) emri dhe mbiemri i pronarit përfitues;
 - b) shtetësia;
 - c) viti dhe muaji i lindjes;
 - ç) data e përcaktimit të individit si pronar përfitues; 7 d) lloji dhe përqindja e pronësisë: - direkte - indirekte.

III.1.11. Në nenin 26 “Formulari përmbledhës i vetëdeklarimit”, pikat 1, 2, 3, 6 dhe 7 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, parashikohet shprehimisht se:

“1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.

2. Formulari përmbledhës i vetëdeklarimit përmban informacion dhe deklarin, si më poshtë vijon:

- a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;
- c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;
- ç) operatori ekonomik nuk është dënuar me vendim të gjykatës së formës së prerë, për vepra që lidhen me veprimtarinë profesionale;
- d) operatori ekonomik nuk është në proces falimentimi;
- dh) operatori ekonomik ka paguar të gjitha detyrimet për pagimin e taksave dhe tatimeve 1 të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
- e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së

Shqipërisë; ë) operatori ekonomik nuk ndodhet në kushtet e konfliktit të interesit, sipas legjisllacionit në fuqi;

f) operatori ekonomik ushtron aktivitetin në zbatim të kërkesave ligjore të legjisllacionit mjedisor, social dhe të punës;

g) operatori ekonomik ka paraqitur ofertë të pavarur, sipas kërkesave të legjisllacionit në fuqi;

gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;

h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);

i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;

j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;

k) operatori ekonomik ushtron aktivitetin konform kërkesave të legjisllacionit në fuqi.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

6. Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike.

Këto dokumente duhet të paraqiten në origjinal ose në kopje të njësuar me origjinalin.”.

III.1.12. Në nenin 77, pika 1 dhe 5 të ligjit nr. 162, datë 23.12.2020 “Për prokurimin publik”, i ndryshuar parashikohet shprehimisht se:

“1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

a) përshtatshmërinë për të kryer veprimtarinë profesionale;

b) gjendjen ekonomike dhe financiare;

c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”.

III.1.13. Në nenin 40, pika 7/a, të VKM-së nr.285, datë 19.05.2021 “Për miratimin e rregullave të prokurimit publik”, i ndryshuar përcaktohet si më poshtë vijon:

“7. Për të provuar se operatori ekonomik vepron konform kërkesave të legjislacionit në fuqi, autoriteti/enti kontraktor kërkon, që:

a) operatori ekonomik të ketë shlyer të gjitha detyrimet e maturuara të energjisë elektrike dhe përmbush kërkesat që rrjedhin nga legjislacioni i fushës në fuqi. Ky informacion kërkohet për operatorët ekonomikë, të cilët ushtrojnë veprimtarinë në territorin e Republikës së Shqipërisë.”.

III.1.14. KPP-ja gjykon, se vetë ligjvënësi ka parashikuar në nenin 2 gërma “dh”, se qëllimi i ligjit të prokurimit publik nr. 162/2020 “Për prokurimin publik”, i ndryshuar, si ligj material i zbatueshëm për shqyrtimin administrativ të ankesave të operatorëve ekonomikë, është ndër të tjera të sigurojë integritet, besim publik dhe transparencë në procedurat e prokurimit publik. Ashtu si edhe GJED ka nënvizuar ndër vite, parimi i transparencës dhe barazisë janë të lidhura ngushtë me njëra-tjetrën, por detyra thelbësore e transparencës në një procedurë prokurimi është që të krijohen kushte dhe rregulla të hollësishme për të gjithë palët në proces.

III.1.15. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga autoriteti kontraktor janë të detyrueshme për t’u përmbushur nga të gjithë ofertuesit pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit.

III.1.16.1. Gjykojmë së, kërkesa se operatori ekonomik ka shlyer të gjitha detyrimet e maturuara të energjisë elektrike, është kërkuar nga autoriteti kontraktor të përmbushet nëpërmjet paraqitjes së formularit përmbledhës të vetëdeklarimit nga operatori ekonomik sipas shtojcës 8 të dokumenteve të tenderit në respektim të nenit 82 të LPP dhe nenit 26 të VKM, duke përmbushur kriterin kualifikues për këtë fazë, ku autoriteti/enti kontraktor pranon si provë paraprake, formularin përmbledhës të vetëdeklarimit, sipas përcaktimit në nenin 82, të LPP-së, dhe nenit 26 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar.

Në rastin konkret, lidhur me pretendimin e ankimesit se: “... Nisur nga ky parashikim ligjor kemi bindjen e plotë që operatori ekonomik “Gerti-1987” shpk nuk e ka plotësuar këtë kriter të parashikuar me dorëzimin e dokumentacionit provues, pasi nuk ka dorëzuar vërtetimet e debisë të lëshuara nga FSHU për të gjitha vendet e ushtrimit të aktivitetit., në plotësimin e kriterit të veçantë të kualifikimit të përcaktuar në pikën 1/e “KRITERET E PËRGJITHSHME TË PËRZGJEDHJES/ KUALIFIKIMIT” të Shtojcës 7 “Formulari i Kriterëve të Përzgjedhjes/Kualifikimit” të dokumentave të tenderit të procedurës së prokurimit objekt ankimi, operatori ekonomik ofertues “GERTI-1987” SHPK ka dorëzuar në

sistemin e prokurimit elektronik (SPE) Shtojcësn 8 “Formularin përmbledhës së Vetëdeklarimit” për subjektin “GERTI-1987” SHPK, duke përmbushur kështu, në këtë moment kriterin kualifikues mbi pagimin e detyrimeve të maturuara të energjisë elektrike, për këtë fazë. Akoma më tej, nga verifikimi i dokumentacionit fizik të dorëzuar nga operatori ekonomik “GERTI-1987” SHPK në përmbushje të parashikimeve të nenit 26 pika 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, konstatohet se ky i fundit në përmbushje të kriterit në lidhje me vërtetimin e shlyerjes së energjisë elektrike, ka paraqitur Vërtetim debie nr. xxx prot., datë 09.05.2024, ku citohet: [...] Bazuar në deklaratimet e deklaruesit (përfaqësuesit ligjor) Znj/Z. Elgert Laskaj, vërtetohet se kërkuesi “GERTI-1987.” SHPK me Nr Nipt L276062201D, nga verifikimet e kryera në Sistemin e Faturimit, për, kontratën/kontratën (me kod) AL....., GJIG....., GJIG....., ELOA....., titullar / përdorues i së cilës/cilave është Gerti - 1987 shpk, rezulton të ketë në total 0 lekë detyrime për faturat e energjisë elektrike, vlerë e llogaritur deri në datën 30.04.2024, pa përfshirë vlerën e faturës koherente të muajit Prill 2024.”. Pra, nëpërmjet këtij vërtetimi verifikohet se operatori ekonomik “GERTI-1987” SHPK, nuk rezulton debitor pranë Furnizuesit të Shërbimit Universal SHA, pa përfshirë faturën koherente të muajit Prill 2022, për katër kontrata AL....., GJIG....., GJIG....., ELOA....., Gjithashtu, nga verifikimi i Ekstraktit të Regjistrimit Tregtar të shoqërisë “GERTI-1987” SHPK, konstatohet se ky i fundit ushtron aktivitetin e tij në adresat: “ Gjirokaster Permet Fshati Çarshove, Objekt me nr. Pasurie 47/435, Zona Kadastrale 1356; Elbasan Bradashesh KARAKULLAK Elbasan, Bradashesh, Karakullak, zk.2083, ndertesa me vërtetim aluizni 4889/1; Elbasan Elbasan Elbasan, fshati Bradashesh ZK 1258, nr.Pasurie 201/16/4-ND, kati 1 dhe Tirane Kashar KASHAR Autostrada Tirane - Durres, Km.1, Brenda Tregut Agro - Ushqimor, Vendi 52/8.”. Sa më sipër, KPP gjykon, se Furnizuesi i Shërbimit Universal (OSHEE Group SHA) është institucioni i ngarkuar me akt nënligjor për lëshimin e vërtetimit të debisë për personat fizikë dhe juridikë pjesëmarrës në procedurat e prokurimit publik, kështu që rrjedhimisht, referuar vërtetimit të dorëzuar nga operatori ekonomik “GERTI-1987” SHPK rezulton 0 lekë detyrime për faturat e energjisë elektrike, katër kontrata me kod AL....., GJIG....., GJIG....., ELOA..... .

Sa më sipër, pretendimi i operatorit ekonomik ankimues “KADRA” SHPK, nuk qëndron.

III.1.16.2. Lidhur me pretendimin e operatorit ekonomik ankimues se: “... Referuar sa cituam më lart kemi bindjen e plotë që në kuadër të dorëzimit të dokumentacionit fizik në përmbushje të parashikimeve ligjore operatori ekonomik “Gerti-1987” shpk nuk ka përmbushur kriterin detyrues të mësipërm të parashikuar në pikë (gj) pasi nuk ka dorëzuar:

- Ekstraktin historik i regjistrimit të pronarit përfitues

- Ekstraktin e thjeshtë i regjistrimit të pronarit përfitues dhe skualifikimin e tij nga procedura sepse nuk ka përmbushur kriterin detyrues për skualifikim sipas parashikimeve ligjore.”, Komisioni konstaton se ligjvënësi me ndryshimet e fundit ligjore në nenin 76, pika 3/gj të të ligjit nr. 162/2020 “Për Prokurimin Publik”, i ndryshuar, ka vendosur se: “3. Çdo operator ekonomik skualifikohet nga pjesëmarrja në procedurën e prokurimit nëse është në një nga situatat e mëposhtme:

gj) operatori ekonomik nuk ka regjistruar pronarët përfitues në regjistrin e pronarëve përfitues, sipas parashikimeve të legjisllacionit në fuqi.”, duke përcaktuar se operatorët

ekonomik ofertues për t'u kualifikuar në procedurat e prokurimit duhet që të deklarojnë në rregjistrin e pronarëve përfitues pranë Qendrës Kombëtare të Biznesit, pronarin ose pronarët përfitues.

Për më tepër, Komisioni konstaton se operatori ekonomik ofertues "GERTI-1987" SHPK referuar Ekstraktit Historik të Rregjistrimit Tregtar për të dhënat e subjektit "Shoqëri me përgjegjësi të kufizuar" datë 08.05.2024, lëshuar nga Qendra Kombëtare e Biznesit dhe të dorëzuar fizikisht pranë autoritetit kontraktor është një shoqëri tregtare me formë juridike "Shoqëri me Përgjegjësi të Kufizuar" dhe referuar parashikimeve të nenit 1 dhe nenin 2 të ligjit nr. Nr. 112/2020 "*PËR REGJISTRIN E PRONARËVE PËRFITUES*", i ndryshuar ka detyrimin që të regjistrojë pronarin apo pronarët përfitues në rregjistrin e pronarëve përfitues, rregjistër i cili administrohet nga Qendra Kombëtare e Biznesit.

Nisur nga fakti se në Shtojcën 7 "*Formulari i Kritereve të Përzgjedhjes/Kualifikimit*" të dokumentave të tenderit të procedurës së prokurimit objekt ankimi nuk është përcaktuar asnjë kriter kualifikues lidhur me deklarinimin e pronarëve përfitues dhe për më tepër lidhur me dokumentacionin vërtetues të këtyre të fundit, Komisioni nisur nga përcaktimet e nenit 7 të ligjit nr. Nr. 112/2020 "*PËR REGJISTRIN E PRONARËVE PËRFITUES*", i ndryshuar, pas verifikimeve në faqen zyrtare të Qendrës Kombëtare të Biznesit (<https://qkb.gov.al/kerko/kerko-ne-regjistrin-e-pronareve-perfitues-rpp/kerko-per-subjekt-raportues/>) konstatohi se operatori ekonomik "GERTI-1987" SHPK më datë 23.06.2021 ka rregjistruar të dhënat e pronarit përfitues si në vijim: "*Subjekti "GERTI-1987" SHPK më datë 23.06.2021, ka rregjistruar të dhënat e pronarit përfitues, të subjektit raportues të rregjistruar në rregjistrin tregtar, si më postë:*

Emër Mbiemër: Elgert Laskaj

Shtetësia: Shqiptar/e

Viti dhe muaji i lindjes: 12-1987

Lloji i kontrrollit: Zotërues i kuotave/aksioneve të kapitalit 25% e më tepër.

Data e përcaktimit si pronar përfitues: 18-09-2018

Përqindja e pronësisë: 100%".

Nga sa më sipër, Komisioni gjykon se operatori ekonomik ofertues "GERTI-1987" SHPK nuk është në kushtet e nenit 76, pika 3/gj të të ligjit nr. 162/2020 "Për Prokurimin Publik", i ndryshuar, pasi në datë 23.06.2021 ka rregjistruar në rregjistrin e pronarëve përfitues, pranë Qendrës Kombëtare të Biznesit pronarin përfitues, i cili është administratori dhe ortaku i vetëm i shoqërisë z. Elgert Laskaj.

Sa më sipër, pretendimi i operatorit ekonomik ankimues "KADRA" SHPK, nuk qëndron.

Për sa më sipër, në mbështetje të neneve 30, dhe 118 të ligjit nr. 162/2020 "Për Prokurimin Publik", i ndryshuar, Vendimit të Këshillit të Ministrave nr. 285, datë 19.05.2021 "Për miratimin e rregullave të prokurimit publik" i ndryshuar, Vendimit të Këshillit të Ministrave nr. 236, datë 20.04.2023 "Për përcaktimin e rregullave dhe tarifës së pagesës për ankimin në 10 një procedurë prokurimi pranë Komisionit të Prokurimit Publik", Vendimit të Komisionit të Prokurimit Publik Nr. 766/2021, datë 13.10.2021 "Për miratimin e rregullave "Për Organizimin dhe Funksionimin e Komisionit të Prokurimit Publik", Nenit 4, te Vendimit të Komisionit të Prokurimit Publik nr. 500/2020 datë 5.11.2020 "Rregullore për Marrjen e Masave Organizative për Ushtrimin e Veprimtarisë së Institucionit të Komisionit të

Prokurimit Publik gjatë gjendjes së pandemisë së shkaktuar nga COVID -19” Komisioni i Prokurimit Publik, njëzëri,

Vendos:

1. Të mos pranojë ankesën e operatorit ekonomik “KADRA” SHPK në procedurën e prokurimit “Procedurë e hapur e thjeshtuar”, me Nr. REF-01903-04-18-2024, me objekt: “Blerje ushqime për kopshte dhe çerdhe” dhe shkollën “Hamit Mullis”, me fond limit 7.350.000 lekë pa TVSH, zhvilluar më datë 09.05.2024.2024, nga autoriteti kontraktor, Bashkia Kukës.
2. Autoriteti kontraktor lejohet të vijojë me hapat e mëtejshëm të procedurës së prokurimit.
3. Ngarkohet zyra e financës të kryejë veprimet përkatëse për derdhjen në Buxhetin e Shtetit, të tarifës financiare të paguar nga operatori ekonomik “KADRA” SHPK.
4. Kundër këtij vendimi mund të bëhet ankim në Gjykatën Administrative të Apelit.
5. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Anila Malaj

Anëtar
Kreshnik Ternova

Nënkryetar
Fiorent Zguro

